

Uf
4968



Constitutiones Livonicae. 1583

Uf 4968



Uf 4968

1916.12034
CONSTITVTIO. 14.
NES LIVONICÆ, POST SUB-
motum ex Livonia Moschum, à Sere-
nissimo STEPHANO Poloniae
Rege, sancitæ.



KÖNIGLICHE
BIBLIOTHEK
BERLIN

*Hæc Constitutiones o in
Constit, sed ut aliquam
ordinem in Livonia iustitiae
vel, privatim à Rege seu,
plac. æ, sentit. Solikow
in Comm. nr. polon. p. 147.*

CRACOVIAE, IN OFFICINA NICOLAI SCHARF-
fenberger, Typographi Regii. Anno 1583. antè hac
excusæ, nunc GEDANI recusæ.

CONSTITVTIONES
LIVONICAE.



STEPHANUS DEI GRATIA
REX POLONIÆ, MAGNVS DVX
Lithvaniæ, Russiæ, Prussiæ, Masoviæ,
Samogitiæ, Livoniæ, Kiioviæ, Volhyniæ:
Podlachiæq; nec non Princeps Tran-
sylvaniæ, &c.

Significamus tenore præsentium, quibus expedit
universis, præsentibus & futuris harū notitiam ha-
bituris. Quia nos per Dei gratiam recuperata de
potestate Moschi Provincia Livonia, ejus statui ac
bono ordini prospicientes, ac defensionis & justitiæ
rationem habētes, adq; exemplum in primis terra-
rum Prussiæ nos accomodantes, infra scriptas le-
ges & cōstitutiones ei Provinciæ, de consilio Con-
siliariorum nostrorū dandas, & promulgandas esse
duximus, damusq; & promulgamus præsentibus.
Jura tamen nostra Regalia integra nobis in omni-
bus reservando.

A. iij. Episco.

1130941

Episcopatus

Vendenſis.

IN primis Deo optimo gratias pro victoria concessa agentes, ad ejusq; cultum actiones nostras referentes, fundavimus Episcopatum in eadem Provincia, in locum Archiepiscopatus, & Episcopatum, qui fuerunt superioribus temporibus. Primum discordia interna, deinde verò hostili gladio exterminati: cujus sedes Vendæ futura est. Vbi etiam Canonicorum Collegium instituimus, ac item per Civitates, Oppida, & Villas nostras regales, Parochias, & scholas ritus Catholici ereximus.

De diffidentibus

in Religione.

ANnuimus petitionibus Provincialium Provinciæ Livoniæ Rigæ, & hic ad nos factis, ut Augustanæ confessionis, quæ unica post religionem Catholicam illam in Provinciam introducta erat, liberum usum illis permittamus.

Tres

Tres Præsidatus

in Livonia.

Provinciam Livoniam, quæ adhuc à nobis parta est, in tres dividimus partes, tum jurisdictioni, tum defensionis causa: Quarum prima erit Vendenſis, atque id quicquid inter flumen Dunam, & Goviam, & inde ad fines Moschoviæ versus Opoczka, supra Marienhausen situm est, ad Præsidatum Vendenſem spectabit, inclusis etiam arcibus, Marienhausen, Ludzen, & Rozythen: Altera Derpatensis, quæ à flumine Govia ad fines usque Moschoviæ extēdetur, & versus Felinum Vilscher lacu terminabitur: Tertia Pernaviensis, quæ Felinum Pernaviam, & cæteras arces inter Goviam flumen, & mare, & lacum Vilscher continebit.

Præfides Livon:

QVibus quidem in partibus singuli Præfides, Vendenſis scilicet, Derpatens. & Pernaviens præ-runt eo jure & autoritate in illa provincia, qua

A iij

Pala-

CONSTITVTIONES

Palatini in Prussia sunt, cum quibus etiam, necessitate exposcente, ad bellum movere debebunt, postquam prædicti Præsides à nobis, vel gubernatore Livoniæ, vel locum tenente, vel Commissario nostro admoniti fuerint.

Succamerarij.

Statuimus, ut in eadem Provincia tres itidem Succamerarij sint. Vendenfis, Derpatensis, Pernaviensis, eadem autoritate & functione, qua Succamerarij sunt in terris Prussiæ. Iidem finibus inter nobilitatem regundis præerunt.

Vexilliferi.

Tres itidem prædictæ Livoniæ Provinciæ regiones, tres suos vexilliferos habebunt, subq; signis à nobis illis attributis, necessitate exposcente, ut supra scriptum est, dictæ provinciæ Nobiles & Incolæ, ad bellum & defensionem progredientur.

Iudicia terrestria.

Judicia

LIVONICÆ.

Iudicia terrestria in singulis Præsidatibus, quotannis bis celebrentur, ita ut in Præsidatu Vendenfis, prima iudicia feria tertia post Dominicam, Quasimodogeniti, secunda feria tertia post Lamperti, in Pernaviensi, duab: post hebdomadibus, in Derpatensi duabus post aliis observentur. Ex quibus quidem iudiciis terrestribus, appellationes ordinariæ fient ad conventum Livoniæ.

Judices, Scabini,

& Notarij terrestres, ac Tabelliones.

Iudicia terrestria iudicabuntur ab iudice. Iudex autem cuivis Præsidatui ex quatuor à nobilitate propositis, unus per nos assignari debet, cui assidebunt sex scabini, ex duodecim à nobilitate propositis, à nobis designati. Notarium verò terrestrem ex quatuor à nobilitate electis, unū itidē designabimus, qui Acta ac Decreta iudicij terrestris conscribet & edet. Pro incidētibus verò passim necessitatibus publici tabelliones in conventibus Livoniæ

CONSTITVTIONES

niæ modo infra scripto habendis, qui fuerint testatæ probitatis ac fidei, ex conventus illius sententia, creari poterunt.

De Appellatione.

VT autem frivola & temeraria appellationes nonnihil cohibeantur, quisquis in iudicio terrestri ad conventum appellaverit, octodecim marcas Rigeneses in iudicium reponat. Et si appellans succubuerit, in usum publicum iudicii in quo erant repositæ, cedant, alioquin parti restituantur.

Judicia Præsidi-

dum, & sanguinis, ac facti recentis.

Nec Præsides causas ad jus terrestre spectantes, nisi de consensu partium judicent, & provocantes ad iudicium terrestre remittant, exceptis causis levioribus, quæ videlicet valorem triginta marcarum Rigenfiū, non excedant. Hæ quidem sine strepitu iudicii, de simplici & plano ab eis componi possunt. In causis autem sanguinis, & facti recentis in

LIVONICÆ.

tis indilatam justitiam ministrent, nec partes contendentes ad componendam amicè inter se cōtroversiam cogant, nec ullas pœnas exigant, nisi per iudicium decretas. Quarum pœnarum tertia pars iudicio terrestri, reliquæ duæ partes Præsidi loci cedant.

Præsides & Capitanei

coeteriq; omnes iudicio terrestri sub sint.

Præsides & Capitanei, ac quivis incolæ Livoniæ, siue Poloni, siue Lithuani, alijq; omnes citati: tam in iudicio terrestri, quam conventuum publicorum respondere sint obligati, exceptis obligationibus super bonis nostris Regalibus emergentibus: Civitatibus etiā iudicia juxta privilegia ipsorum relinquimus.

De Commissioni-

bus.

B

Vt autem

VT autem temerariæ lites amputentur, Commissarios siue iudices delegatos non deputabimus in causis ad iudicium terrestris spectantibus, & minus in eo iam pendentibus nisi per rationem ordinariam, de qua infra dicetur à sententia definitiua, seu interlocutoria iam lata, ad nos remissæ fuerint, exceptis causis limitum, bonorum nostrorum Regalium, & diuisionis fratrum, & proximorum. Nec iudices delegatos seu Commissarios à quibus semel appellatum est, in eadem causa denuo deputabimus, aut causam ad ipsos remitemus. Non enim verisimile aut honestum videtur, quod iudex suam pristinam sententiam retractet, aut aliter postea iudicet quam antea iudicauerat.

De Conuentibus

publicis judicialibus.

Conuentus autem publici iudiciorum causarum in Livonia Vendæ quotannis bis celebrentur, verno videlicet tempore, ad diem S. Stanislai, tempore autem autumnus ad diem S. Michaelis, ad prædictos conuentus publicos omnes causæ, tam ex Ciuitatibus, quàm ex iudicijs terrestribus, per appellationem

lationem devoluantur, ac etiam ex Feudis Ducalibus: eæ verò appellationes cognoscantur, in dicto conventu ab Episcopo, tribus præsidibus, Capitulo Vendensi, Questore provinciali, tribusq; Succamerarijs, Civitatumque, Rigensis duobus, Derpatensis vno, Pernauensis vno, Vēdensis vno, deputatis. Præsidebit vero gubernator Livoniæ, vel locum tenens, aut Commissarius noster, à nobis pro tempore designandus, atq; ibi omnes causæ finiantur, sine ulteriori provocatione, exceptis causis amissionis hæreditatis bonorum, in quibus si quæ pars à conventu se gravatam putaverit, utriusque partis allegationes diligenter conscribi, ac ad nos obsignatæ sigillis omnium superscriptorum per gubernatorem, aut locum tenentem, vel commissarium nostrum remitti debent, de quibus nos sententiam nostram itidem scripto nostro declarabimus, ac item exceptis causis famæ, in quibus hoc idem, nisi sint sanguinis & facti recentis, observari volumus. Decreta vero prædicta conventionalia, à Notario terrestri Vendensi conscribentur, sub sigilloq; ejusdem terræ edentur.

De jure municipali LIVONICO.

CONSTITVTIONES

TAm in iudicijs terrestribus, quam conventiona-
libus iustitia administrabitur ex præscripto juris
provincialis in Livonia recepti, saluis tamen no-
stris Regijs ac publicis juribus, cujus quidem juris
municipalis exemplum Provinciales ad nos mitte-
re debent intra quadrimestre, vt à nobis recogno-
scatur, & autoritate nostra publicetur. Præteri-
tas omnes injurias facti inter privatos perpetua o-
blivione delēdas censemus. De causis autem pecu-
niarum creditarum, & bonorum ademptorum, in-
ter se jure experiri poterunt. Neq; tamen ab ijs qui
tempore belli vsuras in bonis suis inscripserunt, e-
xigi eæ debent. In posterum autem non nisi medi-
ocres inscribi & accipi poterunt,

Conventus ne- cessitatis publicæ causa.

QVando opus fuerit conventu pro necessitate
publica, quem nos & successores nostri arbitrio no-
stro, loco & die, quo nobis videbitur, indicemus,
prius in singulis Præsidatibus, Vendenf. Derpatenf.
Pernaviens. fiat nobilitatis conventio particularis,
quam

LIVONICÆ.

quam Præsides in suis Præsidatibus ad aliquem lo-
cum convenientem literis suis de mandato nostro
convocent, ut nuncij ad hujusmodi conventū eli-
gantur, qui autem vocatus non comparuerit, pœ-
nam sex marcarum Rigenfium pendet, cujus medi-
etas Præsidi, altera vero Fisco Livonico proveniat.
Mittent etiam ad eundem conventū nuncios duos
Civitas Rigenfis, unum Derpatensis, unum Perna-
uiens. unum Vendenf. ac item Curlandiæ Dux, cu-
jus nuncio locus dignus ac conveniens in consessu,
attribui debet.

De executione rei judicatæ.

AT quum frustra sententiæ ferantur, nisi legiti-
mè executioni demandentur, volumus, & ineffra-
gabili constitutione sancimus, ut deinceps vnus-
quisq; cujusvis conditionis aut eminentiæ fuerit,
rei judicatæ sine omni contradictione cum effectu
pareat, & obsequatur, alioqui locorum Præsides
nullo alio à nobis mandato expectato, legitimam
executionem faciant, adiuncto sibi, ubi causæ con-
ditio id postulaverit Capitaneo, & nobilibus illius

B iij distri-

CONSTITVTIONES

districtus, aut etiā, si necessitas exegerit, omnibus & singulis vasallis nostris seu nobilibus illius Præsidentis, quos ad assistendum illi sub iuramentum debito & amissione bonorum obligatos esse decernimus. Si verò majori potentia sit opus, negotium ad nos referri volumus, ut opportunis rationibus rebus provideamus. Præsides similiter ad huiusmodi executiones faciendas, iusticiamque oppressis ministrandā iuramentum nobis præstitum adigat, quos etiam si remissiores fuerint, quinquaginta florenorum Vngaricaliū poena plecti volumus, cuius medietas parti, cui iusticia denegata est, altera verò medietas Fisco cedat. Vbi autem quis executioni voluerit resistere, aut iam factam violare convictus fuerit, poena banni sive proscriptionis, ac bonorum confiscatione, irremissibiliter puniatur. Ex quibus bonis parti læsæ primum satisfiat, quod reliquum fuerit, prædicto Fisco applicetur.

De violentiis ac viis publicis.

Statu-

LIVONICÆ.

Statuimus præterea ut nullus Capitaneus, nobilis, civis, aut quivis alius, cujuscunque conditionis existat, qui personis, castris, domibus, aut possessionibus alicujus ullam violētiam inferre, incursiones facere, in publicis stratis insidias ponere præsumat, super his convictus, capitali poena puniatur.

De Captivatio- ne, criminibus ac contra- ctibus.

Et cum aliquis nobilis Decreto publici conventus, iudicio Præsidentum aut terrestri capitur, quod sub certis poenis in potestatem aut carcerem civilem non tradatur, sed in manus Præsidentum. Si quis autem in Civitate, ubi nulla arx est capitur, & auctoritate conventus Præsidentis, aut iudicii in carcerē civilem conijcitur, in potestate eorundem & non civitatis permaneat. Fideiussoria autem cautione à carcere huiusmodi liberetur, nisi causa fuerit criminalis, & ut sub poena viginti florenorum Vngaricalium, quorū medietas Præsidenti, altera parti læsæ cedat,

CONSTITVTIONES

sæ cedat, absq; vlla remissione persoluenda, nobiles & eorum subditi auctoritate seu potestate civili non capiantur, detineantur, aut arestantur, nec nobiles auctoritate propria capiant, aut detineant ciues vel eorum subditos, sed vnusquisque coram iudice suo ordinario conveniatur, & iustitiam requirat, nisi in casibus recētibus, & actionibus criminalibus, nam delinquens in loco delicti deprehensus, & contrahens de contractu recenti, in loco contractus poterit conveniri.

De Fluminibus.

Præterea ne in fluminibus terrarum nostrarum Livonię quibuscūq; ab antiquo navigabilibus obstacula fiant, ut tam piscibus, quam navibus, & lignis liber transitus permittatur, bonis ac iuribus nostris Regalibus, & quorumcūq; Privilegijs antiquis, & præscripta consuetudine saluis,

De bonis terre-

stris civium, & nobilium
civilibus.

Civi-

LIVONICÆ.

Ciuiibus bona terrestria, & nobilibus civilia bona liberum sit deinceps emere: ita tamen, quod ad paria onera utrinq; ferenda sint obligati. Quod scilicet ciues ratione bonorū terrestrium omnia nobilitatis onera, & nobiles ratione civilium bonorum omnia civilia onera, æquis passibus ferant, & eidem iuri subsint.

De Prædonibus.

Statuimus, vt Præsides & Capitanei, quisque in suo Præsidiatu, & Capitaneatu diligenter fines terrarum observent, ne prædones & grassatores ingrediendo impunè grassentur.

Rustici arma non ferant.

Et præterea, ne rustici cum bombardis, cuspidibus, lanceis, gladijs, aut similibus armis, pulicè aut privatim incedant, atq; ea deferant, nisi ad venationem, aut publicam pacem tuendam, à Dominis & potestatibus suis evocati fuerint. Scultetis etiā exceptis quibus ob publicam functionem, armatos esse liceat.

C

De

De mercimo- nijs, & rusticis.

NE etiam mercatores & præsertim peregrini si-
ue exotici homines, in nobilitatis ac civitatu iniu-
riâ, merces in villis ac pagis clâm & publice coe-
mere, & negociationes exercere audeant, authori-
tate nostra Regia firmiter prohibemus. Statuentes,
ut deinceps subditi Dominorum merces & res su-
as vendibiles in Civitatem ducant, & in foro pu-
blico venales exhibeât. Cum verò supra actis tem-
poribus, plebem rusticam miris modis pressam in
Livonia fuisse audiamus eam ad tolerabilem sta-
tum reducendam, ejusq; rei rationes aliquas in cõ-
ventu provinciali ineundas censemus, ad quam nos
quoq; authoritatem nostram, & ordinationem, cõ-
municato cum Provincialibus in eodem conventu
consilio, adhibebimus.

De mercimonijs Moschoviticis.

Manda-

Mandamus locum tenenti nostro, Præsidibus,
Capitaneis ac alijs Provinciæ ac Civitatum Magi-
stratibus, ut merces omnes Moschoviticas Plesco-
via, & aliunde per ditiones nostras Rigam, aut Per-
naviam, quo ad diversum aliquid pro ratione tem-
poris statuerimus dirigant. Riga verò & Pernavia
trans mare, tum in Lithuaniam Poloniamq;: nec
ijs mercimonijs uti, nisi subiectos nobis patiantur
sub gravi animadversione.

De Constitutio- nibus in posterum faciendis aut emendandis.

Siquid postea de statu Livoniæ, ejusq; bono or-
dine statuendum sit, aut in superscriptis cõstitutio-
nibus emendandum, mutandũ, addendum, id pro-
ut res ac necessitas tẽpusq; exiget, matura ac bona
deliberatione faciemus. Quæ omnia & singula ut
supra scripta sunt sancimus, ac decernimus robur
debitæ firmitatis habere debere, ac ab omnibus in
C ij eadem

7 CONSTIT. LIVONICÆ.

eadem Provincia observari, ab ijs verò quorum interest manu teneri, & exequi. Harum quibus Sigillum nostrum appressum est, testimonio literarum.

Actum & datum Varſaviæ, die quarta Decembris correctionis, Anno M. D. LXXXII.

Regni nostri, Anno septimo.

Per manus Illustris, & Magnifici Ioannis de Zamosczie, Regni nostri supremi Cancellarij, & exercituum Regni Generalis. Cracoviens. q̃s, ac Marieburgens. Miedzyrzecens. Knyschynen. Krzeszowiensis, &c. Capitanei. Sincere nobis dilecti.

